

GAA-GII MAANZHIDOODAWINDWAA GE-IZHI-WIJI'AAGANIWIWAAPAN OMAA KANADA AKIING.

GE-AABAJITOOWAAPAN OSHKI-AYAAG GAA-GII-MAANZHIDOODAWINDWAA GAYE GAA-GII-WAABANGEWAAD JI-DIBAAJIMOWAAD

Wegonenan ono ge-aabajitoowaapan ji-dibaajimowaad?

Imaa Maanzhidooramowin Mazina'iganing ozhibii'igaade aaniin ge-izhi-wiji'indwaaban oshki-ayaag gaye igi gaa-gii-waabangewaad maanzhidooramowin midaaso-shi-nishwaaso gaa-ako-daso-biboonewaad, nawach ji-wendaninig ji-dibaajimowaad. Da-wendan nawach ji-dibaajimowaad ogowe apii dibaakonigeng. Daabishkoo owe:

- Gaawin memwaach biinji-dibaakonigewigamigong daa-dazhi-dibaajimosiiwag oshki-ayaag gaye gaa-gii-waabangewaad wii-dibaajimowaad, bizaanigo daa-mazinaateshimaawag. Gaawin dash memwaach o-daa-waabamaasiwaawaan gaa-gii-maanzhidooramowinid.
- Oshki-ayaag gaye gaa-gii-waabangewaad o-daa-ayaawaawaan awiyan ji-wiijigaabawitaagowaad apii dibaajimowaad.

Godag ge-gii-aabajitoowaapan igi oshki-ayaag gaye igi gaa-gii-waabangewaad jidibaajimowaad ono o-daa-aabajitoonaawaa:

- Bizaanigo daa-ondinaaganiwi dibaakonigewinini ge-gagwejimaad ini gaa-gii-waabangenind giishpin ganootamaazod awe gaa-gii-maanzhidooraaged.
- Aaninda gemaa gakina gaa-namadabiwaad dibaakonigewigamigong daa-inaawag ji-zaaga'amowaad apii dibaajimod awe oshki-ayaag gemaa awe gaa-gii-waabanged giishpin oshkaadizid andawendazig dash ji-waabamind, gemaa daa-gibiiga'igaade ji-waabamaasiwind

imaa. Bizaanigo daa-mazinaateshimaawawe oshki-ayaag ji-waabanjigaadenig iweni odibaajimowin, gaawin dash memwaach baatiinwaa daa-dibaajimosii.

Gaa-maanzhidooramowin Debwe!

Iwe Inaakonigewin Ge-wiiji'igowaad Gaa-gii-maanzhidooramowin Omaa Kanada akiing (Canadian Victims Bill of Rights) gaa-ijigaaded gii-ozhichigaade Miskominigiizis 23, 2015 gii-izhiseg. Owe inaakonigewin izhi-miinaa endaso-gaa-gii-maanzhidooramowin, oshki-ayaag gaye ji-wiiji'indwaa, gaawin ji-gotaajisigwaa gii-dibaajimowaad, ji-gosaawaad gaa-gii-maanzhidooraagenid. Gaye o-daa-gashkitoonaawaa ji-aabajitoowaad ge-wiiji'igowaad, nawach ji-wendaninig ji-dibaajimowaad. Amii ezhi-miinind gakina awiya gaa-gii-maanzhidooramowin.

Awenen Ge-gashkitoopan ji-ozhitood owe Dinookaan?

Gaa-gii-maanzhidooramowin gemaa gaa-gii-waabanged o-daa-gagwejimaan ini gaa-dibaakoniwend jig-ozhitood ono gegoonan. Awe dash gaa-dibaakoniwend o-daa-gagwejimaan dibaakonige-ogimaan ji-ayaagi ono ge-wiiji'igod awe gaa-andawendang jibwaa- gemaa aaniin igo apii megwaa dibaakonigeng. Awe gaa-gii-maanzhidooramowin gemaa gaa-gii-waabanged daa-gagwedwe ji-ayaad ini gegoonan.



Enendaagozid
ji-ayaad
wiindamaagewin



Enendaagozid
ji-ganawenimind



Enendaagozid
ji-dagwiid



Enendaagozid ji-gagwe-
debinaman ji-giwe-diba'
amaagooyin gaa-gii-wanitooyin



Enendaagozid
ji-maanaabandaman

Aaniin Dash Ge-izhi-debinamowaapan owe Dinookaan Wiiji'iwewin igi Oshki-ayaa Gaa-gii-maanzhidoowindwaa gemaa Gaa-gii-waabangewaad?

Dibaakonige-ogimaa owe oda-ganawaabandaan:

- gaa-dasobiibooned gaa-gii-waabanged
- gaa-gii-inakamigak
- wegonen dinookaan wiiji'iwewin gaa-andooshkigaadeg gaye
- godag gegoonan daabishkoo ji-inindwaa awiyag bizaanigo ji-dibaajimowaad giishpin waabangewaad gegoo maji-izhichigeng gemaa awe gaa-gii-maanzhidoowaaged bizaanigo gewiin gwayak ji-izhi-dibaakonind.

Ge-Aabajichigaadegin Gegoonan Dibaakonigeng

Bizaanigo igi gaa-gii-maanzhidoowindwaa gemaa gaa-gii-waabangewaad mashi 18 gaa-daso-biboonesigwaa gemaa awiya gaa-gii-waabanged gegoon dash gaa-izhiyaad, gaawiin ji-gashkitoosig weweni ji-dibaajimod gaa-gii-izhinang, daa-miinaaganiwi gegoon ji-aabajitood gwayag ji-dibaajimod. Dibaakonigewigamigong dash daa-bagidinaa ji-aabajitood iwe, gaawiin dash wiin giishpin gaawiin gwayak da-onji-dibaakonaasii awe gaa-gii-maanzhidoowaaged inenjigaadeg.

Godag gaa-gii-maanzhidoowindwaa gemaa gaa-gii-waabangewaad daa-miinaawag ge-aabajitowaad dibaajimowaad dibaakonigeng nawach ji-wendaninig ji-dibaajimowaad. Giishpin abinoojiwiwaad gemaa gaa-gichi-inakamigak ngwana gemaa aaniin enawenindiwaad gaa-gii-waabanged gaye awe gaa-gii-maanzhi-doodaaged, gemaa giishpin ji-aabadakiban iwe gegoon ji-onji-miigaanaaganiwisig awe gaa-gii-waabanged. Gi-daa-mikaanan gakina ini imaa ozhibii'iganing 486.1 gaye 4862 imaa Maanzhidoowaagewin Mazina'iganing.

Ji-Ondinind Dibaakonigewinini

Igi gaa-gii-maanzhidoowindwaa o-daa-gashkitoonaawaa ji-aabajitowaad wegonen ge-wiiji'igowaad. Bizaanigo awedi oshki-ayaa gaa-gii-maanzhidoowindwaa gemaa gaa-gii-waabanged o-daa-gagwejimaan gaa-dibaakonigenid dibaakonigewininiwan ji-izhitamawind memwaach ji-waabamaasig gaa-gii-maji-doodaagod. Amii dash

ge-izhi-ganootamaagod ini ji-wiiji'igod iwe inake. Bizaanigo gaye dibinawe daa-gagwedwe awe oshki-ayaa imaa dibaakonigewigamigong ji-wiiji'ind.

Giishpin gagwedwed oshki-ayaa ji-gibiiginigaadenig memwaach ji-waabamigosig gaa-gii-maanzhidoowaagod, gemaa mazinaatesijiganing, zhaagooch da-izhitamaage dibaakonige-ogimaa, iya'ii eta gaawiin giishpin da-onji-maanzhiseni odibaajimowin inendaagwak awe gaa-gii-maanzhidoowaaged. Gewiin aaniish daa-noondawaa odibaajimowin.

Giishpin andooshkigaadeg gaawiin imaa ji-ayaasigwaa aaninda gemaa gakina awiyag gaa-ganawaabiwaad, gemaa ji-gibiiginigaadenig ji-waabamaasiwind awedi gaa-wii-dibaajimod, zhaagooch da-bizindawaa awedi gaawiin awashime midaaso-shi-nishwaaso gaa-daso-biboonesig. Da-mikwenjigaade ji-dibaajimod awedi maji-izhichigewinan giishpin gaye andaawenjigaadeg ji-naadamawind awe gaa-wii-dibaajimod ji-gotaajisig ji-mawine'ogosisig ini gaa-dibaajimaad.

Ganage Awe Gaa-gii-maanzhidoowaaged O-daa-gagwe-gibitinaan Ji-wiiji'ind awe Oshki-ayaa?

Iwe Maanzhidoowin Mazina'igan inwaade ji-wiiji'ind awe oshki-ayaa gaa-gii-maanzhidoowindwaa gemaa awe gaa-gii-waabanged ji-dibaajimowaad bekish dash gaye ji-gashkitood awe gaa-gii-maanzhidoowaaged ji-dibaajimod aaniin gaa-izhiseg. Ningoding gaawiin daa-ikido dibaakonige-ogimaa ji-izhi-wiiji'ind oshki-ayaa, gemaa gaawiin aapiji, ozaam ji-gashkitoosigiban awe gaa-gii-maanzhidoowaaged ji-dibaajimod gwayak aaniin gaa-inakamiganing megwaa dibaakonind.

Gakina ozhibii'igaade imaa Maanzhidoowin Mazina'iganing 486.3 gaa-izhibii'igaadeg.

Gaawiin ji-bagidinaaganiwisigwaa Awiyag

Bizaanigo dibaakonige-ogimaa o-daa-andodaan ozhibii'igan ji-bagidinaasiwindwaa aaninda gemaa gakina imaa gaa-madabiwaad ji-bizindaagewaad dibaakonigeng. Bizaanigo gaye daa-ikido ji-bagidinindwaa igiwe gaa-gii-waabangewaad gaawiin memwaach ji-waabamindwaa ji-gibiiga'igaadenig gaa-izhi-namadabiwaad ji-waabamaasiwindwaa. Amii dash ge-onji-izhichiged owe dibaakonige-ogimaa giishpin inendang nawach niibiwa awiyag da-wiindamaagewag waabangewaad awiyag maanzhidoowaminid ji-gotaajisigwaa ji-dibaajimowaad, gaye gegoon

ji-doodawaasiwindwaa igi gaa-oshkaadiziwaad mashi
18 gaa-daso-biboonewaad gaa-gii-waabangewaad,
ji-wiiji'indwaa.

Gakina ozhibi'igaade imaa Maanzhidooramowin
Mazina'iganing 486 gaa-izhibii'igaadeg.

Ganage awe Gaa-gii- Maanzhidooraaged Gaawiin Daa-ikido owe izhichigeng?

Daa-onji-wiiji'aawag igi gaa-gii-maanzhidooramowin
gaa-gii-waabangewaad ji-dibaajimowaad gaye
dash gwayak ji-izhi-dibaakonind awe gaa-gii-
maanzhidooraaged. Ngoding dibaakonige-ogimaa
gaawiin daa-ikido gemaa aaninda eta ji-onji-mino-
dibaakonind awe gaa-gii-maanzhidooraaged.

Oshki-ayiiwanoon na ono dinookaanan?

Ono onji-aabajichigaadewan Maanzhidooramowin
Mazin'iganing 1988 gii-ako-izhiseg. 2015 dash gii-
izhiseg gii-aanjibii'igaadewan ji-biminizha'igaadeg iwe
Kaanada Maanzhidooramowin omazina'iganiwaa
ji-wiiji'indwaa gaa-gii-maanzhidooramowin gaye gaa-
gii-waabangewaad.

Aaniindi Giiyaabi Wiindamaagewin Eyaamagak?

Giishpin giin gema awiya gaa-gikenimad gaa-maanzhidooramowin, daa-wiiji'aa. Gakina akiinsing ayaamagan ji-
wiiji'indwaa gaa-gii-maanzhidooramowin. Gidaa-wiiji'igoog giishpin andawendaman ji-wiindamaagooying geroon
gemaa godag geroon. Victim Services Directory izhinikaade iwe jiigi gaa-ayaayin:

<http://www.justice.gc.ca/eng/cj-jp/victims-victimes/vsd-rsv/index.html>